



Republika e Kosovës
Republika Kosova-Republic of Kosovo
Qeveria - Vlada – Government
Ministria e Zhvillimit Rajonal
Ministarstvo za Regionalni Razvoj
Ministry of Regional Development

Prishtinë: 18.03.2025

THIRRJE PUBLIKE PËR PROGRAMIN PËR ZHVILLIM RAJONAL TË BALANCUAR 2025
MASA 2: MBËSHTETJE FINANCIARE PËR NDËRMARRJET MIKRO DHE TË VOGLA
NËN MASA 2.1: MBËSHTETJE PËR VEPRIMTARITË ZEJTARE

Qëllimi i thirrjes publike

Kjo thirrje publike nga Ministria e Zhvillimit Rajonal (MZHR) synon të mbështesë bizneset mikro dhe veprimtaritë në fushat Zejtari, Manufakturë, Artizanale dhe Inovative. Përmes këtij programi, bizneset që merren me prodhimin e produkteve artizanale, përpunimin e ushqimeve, dhe zhvillimin e bizneseve të vogla synohet në përmirësimin e kapacitetit prodhues dhe në rritjen e mundësive për zhvillimin ekonomik në rajonet përkatëse.

Objektivat e projekteve

Thirrja fokusohet në dy objektiva kryesore:

- I. **Inovacioni, modernizimi i proceseve prodhuese dhe shërbimeve, dhe përmirësimi i kushteve të punës**
 - **Investimi në pajisje moderne dhe teknologji të avancuar për prodhimin dhe ofrimin e shërbimeve, që përmirësojnë efikasitetin, cilësinë dhe kushtet e punës.**
 - **Përmirësimi i proceseve të prodhimit dhe shërbimit përmes implementimit të teknologjive dhe metodologjive inovative, të cilat ulin kostot dhe rrisin**

qëndrueshmërinë e produkteve, si dhe sigurojnë një mjedis pune më të sigurt dhe efikas.

- **Zhvillimi i shërbimeve të reja ose përmirësimi i atyre ekzistuese**, duke përdorur teknologjitë moderne për të optimizuar performancën dhe rritur kënaqësinë e klientëve.
- **Sigurimi i kushteve më të mira për punonjësit dhe mjedisin e punës** përmes pajisjeve dhe mundësive që kontribuojnë në mbrojtjen e shëndetit dhe sigurisë në punë, duke përmirësuar gjithashtu efikasitetin e shërbimeve dhe proceseve prodhuese.

II. Krijimi i mundësive të reja të punësimit

- **Mbështetje për krijimin e mundësive të reja pune në fushën e artizanatit**, përmes përdorimit të pajisjeve të reja që lehtësojnë prodhimin dhe krijojnë mundësi për punësim.
- **Përfshirja e grupeve të marginalizuara në sektorin e artizanatit**, përmes ofrimit të mundësive për trajnime dhe punësim në lidhje me përdorimin e pajisjeve moderne.

Kush mund të aplikoj

Bizneset mikro dhe veprimtaritë zejtare, artizanale, manifakturë dhe ato inovative që janë të regjistruara dhe operojnë në Kosovë, të cilat fokusohen në zhvillimin socio-ekonomik rajonal, të aplikojnë për mbështetje financiare.

Kriteret e aplikimit

Kriteret e aplikimit për këtë thirrje përfshijnë:

- **Regjistrimi i biznesit:** Bizneset dhe veprimtaritë duhet të jenë të regjistruara ligjërisht në Kosovë dhe të operojnë në fushat përkatëse (mikro, artizanal, zeytari, prodhimi i ushqimeve, etj.).
- **Angazhimi në sektorin e prodhimit dhe shërbimeve:** Bizneset duhet të jenë aktive në sektorin e prodhimit, përpunimit ose ofrimit të shërbimeve dhe të kenë

qëllim përmirësimin e kapaciteteve të tyre prodhuese dhe zhvillimin e aktivitetit ekonomik.

- **Veprimtari në fushat specifike:** Aplikantët duhet të operojnë në fushat e zejtarisë, artizanatit, manifakturës dhe inovacionit dhe të ofrojnë produkte apo shërbime që janë të lidhura me këto fusha.
- **Propozimi i një projekti të qëndrueshëm:** Aplikantët duhet të paraqesin një projekt që ka potencial për zhvillim të qëndrueshëm dhe që rrit kapacitetet prodhuese dhe konkurrueshmërinë e biznesit.
- **Përmbushja e kërkesave ligjore:** Aplikantët duhet të kenë përmbushur të gjitha kërkesat ligjore për funksionimin e biznesit të tyre, përfshirë licencat, lejet dhe tatimet përkatëse.
- **Planifikimi i përdorimit të financave:** Aplikantët duhet të paraqesin një plan të detajuar se si do të përdoren mjetet financiare të kërkuara dhe si do të kontribuojnë ato në ruajtjen e produktivitetit dhe konkurrueshmërisë së biznesit.
- **Përputhshmëria me kriteret specifike të projektit:** Aplikantët duhet të përmbushin kërkesat e tjera specifike që mund të lidhen me sektorin dhe llojin e biznesit për të cilin po kërkohet mbështetje.

Kërkesat specifike për aplikim

Përfituesit/pronarët e bizneseve që kanë përfituar mbështetje financiare nga kjo skemë vitin e kaluar (2024), apo ata që kanë përfituar nga skemat e mëparshme të Programit për Zhvillim Rajonal të Balancuar (PZHRB) 2023 dhe 2024, nuk mund të jenë përfitues të kësaj thirrje.

Po ashtu, aplikimi është i pamundur për ata që kanë dështuar në implementimin e projekteve nga skemat e lartpërmendura.

Vlerat e planifikuara të mbështetjes

Vlera totale e planifikuar për këtë thirrje është **rreth 50,000.00 euro**, e cila mund të rritet në përputhje me disponueshmërinë e mjeteve dhe kualitetin e aplikimeve. Shuma minimale dhe maksimale e mbështetjes janë specifikuar si më poshtë:

- **MZHR do të financojë 100% të vlerës së projekt propozimit.** Megjithatë, aplikantët mund të bashkëfinancojnë projektet e tyre, por jo më shumë se 20% të vlerës së projektit të propozuar.

Shuma minimale e projektit	Shuma maksimale e projektit
1,000.00€	2,500.00€

Lista e dokumenteve që duhet të dorëzohen

Aplikimi do të konsiderohet i plotë nëse përmban formën e aplikimit dhe anekset e detyrueshme, siç kërkohet në thirrjen publike dhe dokumentacionin përkatës, si më poshtë:

- **Formulari i aplikimit** (Shtojca A1).
- **Deklarata për vërtetësinë e dokumenteve** (Shtojca A2).
- **Plani i veprimit** (Shtojca A3).
- **Buxheti i projektit** (Shtojca B1).
- **Dëshmia që aplikanti është shtetas i Republikës së Kosovës.**
- Aplikanti duhet të jetë **ndërmarrje në pronësi 100% private dhe të regjistruar në Kosovë** sipas ligjeve të Kosovës.
- **Çertifikatën e regjistrimit të biznesit** me të gjitha fletët/informatat përcjellëse e lëshuar nga ARBK
- **Vërtetimi tatimor** me validitet në ditën e aplikimit (jo më i vjetër se 90 ditë), që vërteton se aplikuesi nuk ka borxhe tatimore të pashlyera, ose është në marrëveshje për shlyerjen e borxhit me ATK (mund të nxirret online nga ueb faqja e ATK-së).
- **Lista e punëtorëve** e lëshuar nga ATK për vitin 2024 (mund të nxirret online nga ueb faqja e ATK-së).
- **Oferta për makineritë/pajisjet** e planifikuara për projektin, që përfshin:
 - Vlerën totale të projektit.
 - Të dhëna të sakta për ofertuesin dhe marrësin e ofertës.

- Emërtimin dhe specifikimin teknik të saktë të makinerisë/pajisjes.
- Oferta nuk duhet të jetë më e vjetër se dy (2) muaj nga data e aplikimit dhe duhet të jetë e nënshkruar dhe e vulosur nga ofertuesi.
- Ofertat janë të preferueshme të jenë në valutën EURO

Propozimet do të dorëzohen vetëm në formularët e paraparë, të cilat së bashku me Udhëzimet për Aplikantët, janë në dispozicion në ueb faqen e Ministrisë së Zhvillimit Rajonal.

Dorëzimi i aplikacioneve

Projekt propozimet duhet të dorëzohen vetëm në formularët e parashikuar dhe të dorëzohen në arkivin e MZHR-së.

Dokumentet e kompletuara mund të dorëzohen fizikisht në adresën e mëposhtme:

Arkivi/Shkrimorja e Ministrisë për Zhvillim Rajonal
Adresa: Ndërtesa e dytë e Qeverisë, ish-Pallati i Rilindjes,
Kati III
Prishtinë, Kosovë, 10000

Afatet e aplikimit

Afati për aplikim fillon me datë **18.03.2025** deri me datë **31.10.2025** në orën **16:00**. Aplikantit do t'i lëshohet një dëshmi se aplikimi është pranuar brenda periudhës së thirrjes.

Udhëzimet për aplikantët

Së bashku me këtë thirrje publike janë publikuar edhe **Udhëzimet për Aplikantët** për informata më të hollësishme në lidhje me thirrjen publike.